



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 7. Servitium personale Regiâ autoritate compescitur.

**urn:nbn:de:hbz:466:1-38528**

agrè se Societati permittentibus, à qua una defensionem Patrociniumque sperari debere non ignorarent. Auditis eorum querelis, Socii sponponderunt, effecturos se, quantum intensissimo conatu possent, ne impostero militum extorsionibus patèrent. Sublatà utcumque offensionum causà (nam quis inveteratè habendi cupidini satis firma obstacula ponat?) Guasanos, Malleos, Huachalles, Andalgalas, exiguorum oppidorum incolas, peragravère: quingentis Barbaris per Baptismum ad Christi partes adductis. Sed Deum immortalem! quantis peraspera & rerum omnium egentissima loca laboribus? Didacus Boroa, facinororum suorum parcissimus æstimator, quamvis recentibus esset animi ac corporis viribus, mihi aliquando narravit, in eâ expeditione se sub onere panè succubuisse. Quod pergebant, idolorum monumenta, & Ethnicorum anathemata, suffectis eorum loco Crucibus, deturbabant; adeò nullà Barbarorum offensione, ut plerique summis votis poscerent Societatis sedem. Sed Socii, Majorum suorum imperata sequuti, eò unde venerant, aggratulantibus ubique urbium, pro impetratà pace, magistratibus, redière.

**D**UM hæc agerentur, Sociorum ardoribus obstare pergebat privatorum quorundam hominum, Indos nimis servitiis vexare non desinentium, inquietudo: quibus in defendendis cum Societas tutis conscientiis dissimulare se non posse assereret, plurimorum odium sibi concivit. Crescebat in dies ubique malum, egregios Sociorum conatus obruturum, nì commodissima tempestate Franciscus Alfarus, Senator Regius, summa cum potestate Visitator in Paraquariam Tucumaniamque missus fuisset ab Rege, cum mandatis, ut servitium personale penitus aboleret, & novas leges conderet, quibus Indi ab vexatione eximerentur, simulque Hispanis sua jura læverentur. Quod utrumque ita præstitit Alfarus, ut immortalitatem nominis, & amplissimum locum in Senatu Matritensi, meruerit. Nam ubi Tucumaniam metropolim attingit, indistincto primariorum virorum conventu, Mandata Regis Catholici de servitio personali abrogando exposuit: & auditis enervatisque adversariorum argumentis, rogatisque sententiis, convocati omnes Regiis diplomatibus standum esse declarantes, in hunc planè modum decretum formavere. *Nos infra scripti, in conventu ad id specialiter instituto, examinatis Ordinationibus ab Goncalvo Abrego, Tucumania olim Prætor, de servitio personali factis, pronunciamus, servitium illud, prout nunc in Tucumania passim usurpatur, ob rationes à nobis singulis in publico relatas, illicitum esse. In cuius rei fidem decretum hoc Chirographo nostro firmamus. Ferdinandus Trecus, Tucumania Episcopus. Alfonso Ribera, Chilensis regni Prætor. Franciscus Alfarus, Senator & Visitator Regius. Franciscus Saucedus, Ecclesie Sancti Jacobi Thesaurarius (postea Chilensis Episcopus) Frater Christophorus Aiala. Ludovicus Quiniones, Tucumania Prætor. Frater Petrus Lopius. Valerius Licentiatu. Antonius Rossillonius, & alii præstantes viri. His rebus in Tucumania metropoli, ubi nullus de Societate aderat, perfectis, Franciscus Alfarus Cordubam se contulit, ubi expromptis Diplomatibus Regiis, ac Proregum Peruvia & Senatùs Chuquisacensis placitis, necnon conventùs Tucumanici recenti decreto, nequicquam reluctantibus per suos procuratores Cordubensibus civibus, grassans malum, quantum in se fuit, compescuit. Mox assumptis secum Didaco Torres Provinciali, & Didaco Marino Negronio, Argentei fluminis Prætor, eadem per Paraquariam præstiturus ad Assumptionis urbem se contulit.*

**A**NTEQUAM Cordubà Provincialis discederet, consulto in Venerabili Sacramento per octiduum Deo, delectum Sociorum in Paraquaria subsidium pro Barbaris expeditionibus habuit: electique sunt inter multos candidatos Antonius Moranta Theologiae Professor, Antonius Ruifus Sanctitatis jam famà clarus, Martinus Urrasum Divi Xaverii confanguineus, Petrus Romerus, postea pro propagandà Fide occisus; quos ad Paraquariam metropolim, singulorum operà pro opportunitate usus, partim se sequi jubet, partim secum abduxit. Ducenti circiter Indi remiges è Paraquaria venerant, Prætorem & Visitatorem Regium vecturi, quibus

in itinere

Quingenti  
baptizati.

CAPUT  
VII.  
Servitium  
Personale  
Regià au-  
thoritate  
compesci-  
tur.

Francisci  
Alfarilanus.

Decretum.

CAPUT  
VIII.  
Guaicuro-  
rum Ducis  
filius bap-  
tizatur.

Sociorum  
delectus.